

# INGODISE HO BA MOLEFALEKGETHO

Ka kopo hlokomela hore foromo ya boingodiso ya batho ka bomong ya 'IT77' e ne e fediswe mme tsela feela ya ho ingodisa ke ho etela [lekala la SARS](#) moo basebetsi ba mosa ba tlang ho o ngodisa mokgwatshebetsong wa rona.

Pele o leba lekaleng la SARS, etsa bonnete ba hore o na le ditokomane tsohle tsa tshehetso.

Ho hlokeha ditokomane tse latelang tsa tshehetso:

## 1) Bopaki ba boitsebiso:

- Dikhopi tse netefaditsweng kapa tse sa netefatswang tsa tokomane ya nnete ya boitsebiso, laesense ya ho kganna, phasepoto, tokomane ya nakwana ya boitsebiso, setifikeiti sa nakwana sa bophaphathehi kapa phemiti mmoho le boitsebiso ba makgonthe (ka tokomane ya boitsebiso ho akareditswe bukana e tala e nang le bakhoutu mmoho le karete ya smart ID)
- Moo molefalekgetho a leng ka tlase ho dilemo tse behilweng, khopi e netefaditsweng kapa e sa netefatswang ya setifikeiti sa tswalo sa ya ka tlase dilemong mmoho le khopi ya tokomane ya boitsebiso ya e mong wa batswadi/batataisi. Ebang ho se motswadi ya ntseng a phela, motataisi ya kgethilweng o tla tlameha ho fana ka setifikeiti sa lefu sa e mong wa batswadi bana.

## 2) Bopaki ba aterese ya bodulo:

Tafole e ka tlase mona e fana ka lenane la ditokomane tse tlang ho ananelwa ke SARS jwalo ka bopaki ba aterese ya bodulo.

Tokomane e tlameha ho bontsha lebitso la molefalekgetho ka ho hlaka (e ka nna ya ba ditlhaku tse qalang tsa mabitso le sefane kapa mabitso a qalang le sefane) mmoho le aterese ya bodulo.

	Tihaloso ya tokomane	Nako ya tshebetso ya yona
<b>1</b>	<b>DIAKHAONTO TSA KAKARETISO:</b>	
1.1	Akhaonto ya ditshebeletso tsa masepala, akhaonto ya metsi kapa ya motlakase	E sa feteng dikgwedi tse 3
1.2	Akhaonto ya Setheo sa Thuto	E sa feteng dikgwedi tse 3
1.3	Setlankana sa boikopanyi (dihwai)	Se sa feteng dikgwedi tse 3
1.4	Setlankana sa sekema sa kalafo	Se sa feteng dikgwedi tse 3
1.5	Setlankana sa bonto se tswang ho mokadimisane wa bonto	Se sa feteng dikgwedi tse 6
1.6	Akhaonto ya mohala (Marangrang kaofela)	E sa feteng dikgwedi tse 3
1.7	Akhaonto ya e-Toll	E sa feteng dikgwedi tse 3
1.8	Laesense ya SABC ya thelevishene	E sa feteng selemo
1.9	Diakhaonto tsa mabenkele (mohlala: Woolworths, Edgars, jwalo-jwalo.)	Tse sa feteng dikgwedi tse 3
<b>2</b>	<b>TOKOMANE E NTSHITSWENG KE MMUSO:</b>	
2.1	Ditokomane tsa laesense ya sepalangwang	Tse sa feteng selemo
2.2	Taelo ya lekgotla	E sa feteng dikgwedi tse 3
2.3	Samane	E sa feteng dikgwedi tse 3
2.4	Kotlo ya sephethephethe	E sa feteng dikgwedi tse 3
2.5	Ditokomane tse mabapi le UIF kapa tefo ya penshene	Tse sa feteng dikgwedi tse 3
<b>3</b>	<b>INSHORENSE LE TOKOMANE YA BOTSETEDI:</b>	
3.1	Tokomane ya inshoreense ya bophelo	E sa feteng selemo
3.2	Tokomane ya inshoreense ya nako e kgutshwane	E sa feteng selemo
3.3	Tokomane ya inshoreense ya bophelo bo botle	E sa feteng selemo
3.4	Tokomane ya leano la Lepato	E sa feteng selemo
3.5	Setlankana sa botsetedi se tswang seabong, potfoliong kapa theraseteng ya diyuniti	Se sa feteng selemo
<b>4</b>	<b>TUMELLANO YA LISI / FRENTJHAESE:</b>	
4.1	Tumellano ya jwale e ntseng e sebetsa	

Foromo ya Tiiso ya Aterese ya Bodulo kapa ya Kgwebo ya Setheo (CRA01) e tlameha ho tlatswa:

- Moo bopaki ba bodulo bo leng mabitsong a mokga wa boraro (mohala: mothong e mong ntle le lebitsong la molefalekgetho) ho tlameha hore ho tlatswe CRA01. Ka kopo hlokomela hore bopaki ba aterese ba mokga wa boraro bo tlameha ho hokelwa ho CRA01.
- Lengolo kapa CRA01 e tlameha ho tlatswa ke Morena kapa Mokhanselara ebang molefalekgetho a dula sebakeng seo ho sa ntshuweng diakhaonto tsa masepala. Molefalekgetho o tlameha ho fumana lengolo le tswang ho Mokhanselara wa sebaka seo a phelang ho sona. Morena kapa ba Mokhanselara ha a hloke ho fana ka bopaki ba bodulo kapa tokomane ya boitsebiso (ID) ebang lengolo kapa CRA01 e le ya mokga wa boraro.
- Ebang setheo se na le molaodi/setho se le seng feela seo hape e leng moemedi jwalo ka molefalekgetho mme kgwebo e sebetsa ho tswa atereseng ya hae jwalo ka moemedi wa lekgetho, ho tla hlokeha bopaki ba aterese. Moo ebang ho na le ditho/balaodi ba fetang bonngwe mme kgwebo e sebetsa ho tswa atereseng ya e mong wa ditho/balaodi, CRA01 e lokela ho tlatswa ke emong wa ditho/balaodi.
- Foromo eo ke ena: [CRA01](#). Hopola hore ho na le lesedi le itseng le tlamang le tlamehang ho tlatswa pele o ka kgona ho printa foromo ena.

### 3) Bopaki ba Dintlha tsa Banka:

- Lengolo la makgonthe le tswang bankeng le sa feteng kgwedi (matsatsi a 30), le tiisang lebitso le molaong la monga akhaonto, nomoro ya akhaonto, mofuta wa akhaonto, khoutu ya lekala mmoho le letsatsi leo akhaonto e butsweng ka lona; kapa
- Setlankana sa makgonthe sa ATM / se tswang ho Inthanete kapa setlankana sa ABSA se nang le setempe sa elektronike se sa feteng dikgwedi tse tharo se tiisang lebitso le molaong la monga akhaonto, lebitso la banka, nomoro ya akhaonto, mofuta wa akhaonto, khoutu ya lekala, ebang ho hlokeha, kapa moo ho butsweng akhaonto e ntjha ya banka mme ho se na setlankana sa banka, lengolo la makgonthe le tswang bankeng le sa feteng kgwedi le nang le matshwao a nnete a dintlha tsa banka mmoho le setempe sa makgonthe se bontshang letsatsi leo akhaonto e butsweng ka lona; kapa
- Ebang mofumahadi/monna a se na akhaonto ya banka mme a ikgethela ho sebedisa dintlha tsa banka tsa molekane wa hae, ho tla hlokeha khopi e netefaditsweng ya setifikeiti sa lenyalo. Ebang ho buuwa ka Molekane wa Bophelo bohle, ho tla tlameha hore ho fanwe ka afidaviti (lengolo le pakahatsang seo)

Hang ha o se o ngodisitse mme o filwe nomoro ya hao ya lekgetho o ka nna wa [ingodisetsa eFiling](#), mme ke mahala mme e o nolofaletsa kgokahanyo ya hao le SARS.

Seo o se hlokang feela ke khompyutha le phihlello ya inthanete. Jwalo ka eFiler e ngodisitsweng o tla kgona ho nehelana ka kgutliso ya hao ya lekgetho inthaneteng, le ho etsa ditefo ho SARS jwalo-jwalo.